

Oké Take Away
Nos Special
Cuminda
Crioyo

565-3232

S **Prijs** **1.25** **LO**
BRIYANDO FUERTE • TRECIENDO CLARIDAD
Diahuebs 10 Augustus 2023
Di Pueblo

Oké Take Away
Habri desde awe
di 6.30 atardi pa
10.30 anochi
Cu menu popular y cu
saucenan spectacular

**STOP DI HASI DRAMA;
CUMPRANDO DI
AMAZON AINDA TA KEDA
MAS BARATA**

amazon

**Dow ta informa cu e caminda riba Green
Corridor (Brug) ta habri completamente**

**PRONTO LO INTRODUCI
CODIGO DI PROTECCION
DEN E MUNDO DEPORTIVO**



**CUERPO POLICIAL ARUBA
TA E MANEHADOR DI E
CARTERA PA CU
“ONDERMIJNING” DEN
REGION CARIBENSE**



**Rycond a lubida cu e tabata
maestro di fundacion formacion
di corrupcion di AVP ?**



GANA 1000 FLORIN CU SOLO DI PUEBLO PA "BACK 2 SCHOOL"

Premionan ta wordo anuncia dia 15 di Augustus 2023.

Tira e coupon aki den buzón na oficina di Solo di Pueblo na Sta Cruz 110, solamente entre 2or di atardi cu 4or di atardi.

Number y faam:

Adres: Celular: E-mail:

1000 florin - 1000 florin - 1000 florin



Minister Endy Croes: PRONTO LO INTRODUCI CODIGO DI PROTECCION DEN E MUNDO DEPORTIVO



Recientemente, Minister di Enseñansa y Deporte Endy Croes a reuni cu Sra. Sue-Ann Ras di Departamento di Mucha y Hoben cu ta encarga cu Codigo di Proteccion (CdP), cual ta enfoca riba e prevencion di abuso di mucha na Aruba.

Cu asistencia financiero di Hulanda a traha riba un "toolkit" relaciona cu e CdP pa empodera tur e profesionalnan den e 4 sectornan; husticia, social, educacion y salubridad pa ta mas ekipa y haya mas informacion clave pa anda cu e reto aki. Sra. Ras a acerca Minister Endy Croes cu e peticion pa introduci CdP den e mundo deportivo, mirando e gran interes cu nan mes tin pa esaki.

E intencion ta pa cuminsa prepara un plan di implementacion di CdP den mundo deportivo y presenta esaki na nan. Hunto cu Ministerio di Deporte lo bay delinea e proceso, specialmente e lansamento cu ta programa pa 20 di november 2023.

Banda di esaki, lo desaroya un video pa e lansamento cu lo por sigui uza den mundo deportivo, como muestra di compromiso y recordatorio di e importancia di CdP den mundo di deporte.

Den e luna di augustus lo tene un otro reunion cu Ministerio di Deporte, unda cu Departamento di Mucha y Hoben (DMH) lo presenta un concepto di plan di implementacion.

Dow ta informa cu e caminda riba Green Corridor (Brug) ta habri completamente



Dow ta yama danki sigur na cada un di e automobilistanan cu ta transita diariamente riba e brug pa e pasenshi brinda durante cu e mantencion cu a tuma

lugar. E mantencion a keda cla y e brug lo habri bek. E bermnan falta pa wordo cera cual lo wordo hasi den siguiente dos dianan.

Stop di hasi drama; cumprando di Amazon ainda ta keda mas barata

Algun persona cu ta hasi negoshi ilegal via online awor ta poco rabia pe hecho cu mester paga bbo di 7% ora di importa. Nan ta kere cu ta fin di mundo. Si nan compra un smar tv na Amazon y e costa \$ 200, ora esaki yega Aruba, su kost lo ta 360 florin y aki lo paga 7% cual ta 25 florin.

Probablemente ainda e ta hopi mas barata cu cualkier otro tienda.

Tin hende ta bay compra mes tv na un negoshi local, nan ta cumple via prestamo y nan ta paga trunkil 2000 florin pe mes

tv.

Pues hende mester stop di ta dramático, hasiendo cu fin di mundo a yega.

Ora nan viaha bay Merca, nan ta paga 8% di sales tax, y boca cera. Claro cu ta oportunidad pa nan saca nan gal politico, pero nan ta lubida cu e mega debe mester wordo paga, pasobra e intrest ta 300 miyon pa aña.

Un ta bisa pa ban habri 10 plantacion di marihuana pa haya placa, otro ta bisa ban elimina belasting pa e placa spin off. Gobierno actual ta hasiendo tur esey. Gobierno a baha winstbelasting. Gobierno a reduci loonbelasting. Gobierno a reduci prijs di invoerrechten riba varios producto. Pues no ta sin mas a just bini cu bbo na frontera, pero alaves a trece un balanca cune. Stop e drama! Amazon keto bay ta keda mes barata!

Rycond a lubida cu e tabata maestro di fundacion formacion di corrupcion di AVP ?

Awe parece cu sr Rycond Santo do Nascimento a nace di nobo. E la biba bek despues di a sostene AVP pa mas cu un decada y awo kier bin pafo pa defende keto bai y awo kier plak MEP na AVP pa trata na indoctrina pueblo cu tur dos ta mescos y nos tur sa e wega di gaña rabia cu AVP pero na final di dia e DNA corruptivo di AVP ta core den su venenanan.

/// E hoogleraar di fundacion formacion corruptivo AVP

Hopi ya kizas a lubida cu e profesor cu a educa entre otro sr Paul Croes, sr Benny Sevinger ta sr Rycond Santos do Nascimento. Bao su encargo ela duna curso di bon gobernacion y na final di dia su dos mihor graduadonan tabata sr Paul Croes condena pa corrupcion y sr Benny Sevinger condena pa corrupcion. Mas ainda dunando curso di bon gobernacion ela acepta con Sr Eman tabata tuma sponser di delincuentenan manera Kico Gomez, Carvajal, Rincon pa core campaña y unda e placa sushi aki di lagrima y sanger di yuinan di mama y tata posiblemente

tambe ser hinca den e formacion corruptivo aki cu sr Rycond pa mas cu un decada tabata e presidente y posibelmente tabata tuma placa di mafioso por medio di sr Miek Eman pa duna curso y unda pueblo por wak kico a ser educa unda cu su mihor dos alumnonan a ser condena y un ya ta den KIA y e otro ta na caminda.

/// Sr Rycond Santos do Nascimento abiertamente a apoya corrupcion desde entrada den AVP

Sr Santos do Nascimento kier hasi manera awe ela nace. A sabiendas cu sr Benny Sevinger tabata sospechoso y alaves sera den KIA, sr Rycond a acepta corrupcion a cambio di number 5 riba lista unda ela sigura su mes un posicion den parlamento. Y henter campaña sr Rycond Santos do Nascimento a sostene Benny cu e slogan juridico: Onschuldpresumptie. Y hasta hunto cu sr Eman tabata hasi desordo na warda di polis gritando: "Free Benny, e ta inocente". Sr Rycond Santos do



Nacimiento tabata sostene sr Mike Eman abiertamente y tabata pro gastamento di placa cu a conduci na casi bancarota di Aruba. Y lo mas tristo ta cu na final di dia sr Rycond no a bai di AVP paso e ta contra corrupcion, pero paso Mike de Meza a tuma e y sra Gerlien Croes hasi y mustranan cu ta e Old Boysnan ta manda den AVP

Pues e atake di Rycond riba MEP, ta nada otro cu storia di disney world, pa e sconde su culpabilidad di a tene man cu e corruptonan.

Rycond mester samina su consenshi y reconoce cu e tambe a apoya corrupcion, ora la bende su mes pa no. 5 riba lista di corrupcion.

DVG ta alerta pa persona cu ta purba drenta cas di ciudadanonan pasando pa personal di GKMB

09.08.2023. Seccion di Gele Koorts Muskiet Bestrijding (GKMB) a ricibi informacion di un ciudadano atento cu na su cas a yega un persona pretendiendo di ta personal di GKMB. E persona desconoci aki tawata kier a inspecciona rond di cas pa despues pasa paden pa firma. E ciudadano atento aki a nota cu e persona aki no ta uniforma manera custumber locual a lanta duda y a pone cu corectamente e ciudadano a yama GKMB pa informa.

Di parti GKMB nos kier informa comunidad cu personal di GKMB durante nan inspeccion pa criadero di sangura na cas semper ta cana uniforma cu polo shirts color creme, carson largo color bruin of blauw y cada empleado tin un badge di identificacion

cu ne. E orario cu GKMB ta inspecciona cas ta di dialuna pa diabierna entre 8:00 cu 11:00 di mainta y atardi entre 1:30 cu 3:30. Ora di inspecciona cas den bario mayoria biaha lo por observa 3 of 4 empleado moviendo hunto den un pick up color blanco cu emblema di DVG y nomber di e seccion Gele Koorts Muskiet Bestrijding (GKMB) riba su porta.

Cualquier ciudadano cu ricibi un bishita cu nan tin duda si e persona enberdad ta di GKMB, e ciudadano por semper pidi pa mira su identificacion y si ainda e ciudadano tin duda e por nenga entrada di e persona desconoci y yama GKMB na telefoon 5855533 of 5224200 pa confirma e identifiacion of informa.



Pa mas informacion like nos Facebook page Directie Volksgezondheid DVG Aruba, Follow nos riba Instagram

directie_volksgezondheid_aruba, subi nos website www.dvg.aw, yama nos na 5224200 of mail nos na servicio@dvg.aw

Minister Glenbert Croes:

MINISTER GLENBERT CROES TA DESEA E STUDIANTENAN RUMBO PA EHERCE NAN PASANTIA NA IBEROSTAR MEXICO, HOPI EXITO



E cadena hotelero Iberostar, a ofrece un total di 9 alumno di EPI e oportunidad di bay eherce nan pasantia na e hotel Iberostar Playa Paraiso na Rivera Maya, Mexico. Diamars mainta, 6 di e 9 alumnonan a biaha rumbo pa Mexico pa asina cuminsa cu e tarea importante di engrandec nan conocimiento den e sector hotelero. E otro 3 studiantenan lo ta biahando aki un par di siman.

Minister Glenbert Croes a indica cu e hobennan cu a tuma e oportunidad aki, ta muestra nan deseo pa acumula experiencia y progreso den nan formacion, pa ora nan gradua nan lo por ocupa puestonan importante den e sector hotelero. E

mandatario ta felicita cada un di e studiantenan y ta desea nan hopi exito cu e trayecto importante aki. E realidad ta cu pa Aruba progresa, nos hobennan mester progresa y e pasantia aki ofreci pa IberoStar ta un paso grandi den nan formacion profesional.

Un felicitacion ta bay tambe pa EPI, pa nan empeño y confiansa den formacion di nos hobennan. EPI ta produciendo hobennan talentoso y esaki ta algo sumamente valioso. E educacion y diploma cu e hobennan aki lo ricibi na final, ta un garantia pa un miho futuro pa nan y pa Aruba.

Minister Glenbert Croes ta felicita Minister Endy Croes cu e bunita iniciativa



tambe demostrando dje forma aki cu Enseñansa ta hopi cerca di su curason.

Finalmente e mandatario ta gradici Iberostar pa e confiansa deposita den nos hobennan Arubiano y ta spera cu esaki lo

ta un ehempel pa otro cadennan hotelero por brinda e oportunidad aki na nos alumnonan, cu ta nos futuro generacion, y nan futuro empleadonan.

"Mi ta desea tur e studiantenan biahando un

bon biahe. Nos ta spera cu pronto boso lo t'ey bek, cu e conocimiento necesario pa ta un herment clave den e mercado laboral di pais Aruba" Minister Croes a expresa.

DIRECTORA DI COLEGIO EPI SRA. ANKIE DANKER TA ORGUYOSO DI E STUDIANTENAN CU A BIAHA PA MEXICO PA EHERCE NAN PASANTIA



Diamars ultimo, seis (6) estudiante di Sector Ciencia y Tecnologia di Colegio EPI a biaha pa eherce nan pasantia na Iberostar Playa Paraiso na Riviera Maya, Mexico. Directora di Colegio EPI Sra. Ankie Danker a indica cu esaki ta un oportunidad unico cu e studiantenan a haya. Sra. Danker ta gradici Gobierno di Aruba y Iberostar pa e bunita iniciativa aki pa nos studiantenan bay den exterior pa adkeri experiencia y ora nan bin bek Aruba, nan ta bin bek ekipa pa sigui traha pa Aruba.

Proximamente tres (3) estudiante mas di Sector Hospitalidad y Servicio di Colegio EPI lo ta biahando pa eherce nan pasantia y lo permanece durante cuater (4) luna na Mexico.

Sra. Danker a expresa cu e ta hopi orguyoso di e studiantenan di Colegio EPI y di e oportunidad cu nan a haya pa bay eherce nan pasantia den exterior. Ora cu e studiantenan bin bek Aruba, nan lo regresa hopi entusiasmo pa haal nan diploma pa drenta mercado laboral y contribui na e economia di Aruba. Sra. Danker ta gradici e team completo di Colegio EPI cu a contribui pa haci esaki posibel. Tambe, a gradici tur mayor y estudiante pa nan cooperacion.

Finalmente, Sra. Danker ta encurasha e studiantenan di Aruba pa busca nan futuro na Colegio EPI pa ora nan gradua, nan haya un bon diploma den nan man cu ta habri hopi oportunidad pa nan.

PRESTATIEMANAGEMENT Productividad y Efectividad



- ✓ Eleva e satisfaccion laboral
- ✓ Aumenta motivacion y compromiso
- ✓ Ricibi aprecio di esfuerso y progreso

Bo kier siña mas di prestatienmanagement?

Bishita nos website na hrportal.drh.gov.aw pa mas informacion.



"E Curason di Progreso Humano"

Pa resto di luna di Augustus lo tin banco den showroom di Garage Centraal Aruba



Como parti di e campaña di Garage Centraal Aruba relaciona cu reduccion den prijsnan di auto, lo bai tin banconan presente den showroom pa e resto di luna di Augustus, pa asina yuda esnan cu desea di check un auto nobo na

Garage Centraal Aruba.

Den marco di esaki, lo tin den showroom representantenan di e diferente banconan segun e siguiente schedule:

Banco di Caribe lo ta

presente riba diano 10, 16, 22 cu 28 di augustus. Aruba Bank lo ta na showroom diano 11, 17, 23 cu 29 di augustus. CMB lo ta na Garage Centraal diano 14, 18, 24 cu 30 di augustus. RBC lo ta den showroom riba diano 15, 21, 25 cu 31 di augustus.

Tur esaki ta pa clientenan di Garage Centraal Aruba probecha di e reduccion di prijsnan den diferente autonan Hyundai, Isuzu cu Volkswagen. Un ehempel ta e rebaho di mas cu Afl. 10,000 florin riba e Hyundai Tucson SUV, awor disponibel pa Afl. 64,500. Tin otro ehempelnan manera e Volkswagen Taos SUV, cual a baha di Afl. 77,750 y awor ta Afl. 63,675, of e Volkswagen Virtus, cual prijs a cambia di Afl. 49,990 pa Afl. 44,990.



Tin rebahonan riba variacion di autonan Hyundai, Isuzu cu Volkswagen disponibel den stock awor. Y awor cu banconan presente den showroom esnan cu desea di busca nan siguiente auto lo tin mas facilidadnan ainda pa haci esaki.

E invitacion ta keda pa esnan cu ta buscando auto nobo pasa Garage Centraal Aruba, probecha di e prijsnan rebaha, y ademas di check cu e banco di nan preferencia pa asina logra nan siguiente auto nobo Hyundai, Isuzu of Volkswagen na Garage Centraal Aruba.

CUERPO POLICIAL ARUBA TA E MANEHADOR DI E CARTERA PA CU “ONDERMIJNING” DEN REGION CARIBENSE

MACUARIMA, ARUBA: Cuerpo Policial Aruba a ta manehador di e cartera pa cu “ondermijning” den region Caribense.

Esaki a keda acorda algun siman pasa den College van Korpschefs, Ministerio di Husticia y Seguridad di Hulanda, y e diferente paisnan Caribense den region, como tambe Nederlandse Nationale Politie. E College van Korpschefs ta un colaboracion entre altocomisario di Aruba, Corsow, Sint Maarten y e BES (Boneiro, Sint Eustatius y Saba). E College van Korpschef aki ta traha intensivamente hunto riba diferente temanan di seguridad y desaroyonan den organisacionnan.

Altocomisario di polis di Aruba drs. Ramon Arnhem, ta bisa cu “ondermijning” ta un concepto mane un recipiente, pero e ta basa riba criminalidad pisa y cu efectonan negativo riba e comunidad. Por ehempel, e hobennan vulnerabel cu den lugar di traha un trabou normal ta skohe pa traha den e baho mundo di droga pa asina gana suma grandi di placa ilegal. Pero e consecuencia di “ondermijning” tambe ta mire den maltrato severo y corrupcion den diferente departamentonan di gobierno.

Pa combatimento di e criminalidad pisa, ta solamente posibel den un bon colaboracion cu otro partnersnan paden y pafo di e cadena di seguridad



(Veiligheidsketen). comunidad tambe ta hunga un papel importante.

Pero mas dilanti.

“Criminalnan ta bira mas sabi y ta traha bon hunto, pasando frontera di e pais. Nos mester ta un paso

Esaki ta dor di traha bon cu diferente partner local y internacional”, ta palabradi altocomisario Arnhem.

Davauca Neomi Dirksen orguyo di Aruba



Davauca Neomi Dirksen ta un atleta hoben di Aruba di apenas 12 aña. E siman cu ta bini, Davauca ta cuminsa su estudio secundario na Juliana school den CB 1. Davauca ta stima bestia y su petnan preferi ta cacho y pushi. Su cuminda preferi ta sushi y pasta.

AERIAL DANCE

Cu su 7 aña Davauca a cuminsa practica Aerial Dance y su academia na Aruba ta Aerial Dance Aruba.

Davauca a yega di train na Hulanda y Colombia. Actualmente e ta parti tambe di e scol Kuailedanza di Medellin, Colombia.

Siguiementemente e lo competi den Hoop di aerial elite di U.S.A representando su academia di Medellin.

Tambe den dos categoria den e proximo Aerialcompetition di Argentina, den Hoop bou training di su coach di Kuailedanza Medellin y den Hammock bou su coach virtual K. Kokki di Singapore.

DISEÑO Y FUTURO FUNCION

Pa su competencianan, Davauca ta diseña su mesun outfitnan . Den futuro e kier ta un juffrouw di scol y aerialista profesional.

ACROBACIA

Davauca ta train acrobacia cu e gruponan RCCAruba

y Danzaaruba. Tambe Perla Gymnastic Rhythmic Aruba. Na 2024, Davauca lo ta den e Competencia Mundial di Acrobacia cu su team di Colombia danki na RCCAruba.

PROPAGANDA

A yega di haci varios propaganda pa companianan importante di Aruba y AllEyesMagazine di Merca.

Premio- y regalonan

Davauca a competi den competencia virtual internacional di Hoop (Lyra) na Argentina, México, U.S.A y den hammock (yoga/aerial) na Chile y Argentina. Aki el a gana prome y segundo luga.

El a haya varios regalo di artistanan digital for di Argentina, Italia, Polonia y Singapore y ta conoci den competencianan como e "Little Goddess of the hoop".

Gradici

Davauca ta gradici semper su wela Dora Vargas y omo Sebastian Torres pa e amor y sosten incondicional. Tambe su sigidonan riba su Instagram @dava_aua_aerial cu semper ta apoy'e. E no ta lubida Creativespark.aua cu ta sosten'e brindando su publico descuento special pa tur cu sosten'e. Tambe RCCAruba pa yud'e logra su soño di participa na 2024, como e prome atleta di Aruba, den e competencia mundial di acrobacia na Colombia.



De Aruba Ports Authority is voornemens in het openbaar aan te besteden:

“Aanbrengen fenders in de haven Oranjestad”

Volgens werkschrijving KD nr. 4-2023.

Korte omschrijving van het werk:

“Het aanbrengen fenders langs de kademuur in de haven Oranjestad voor het aanmeren van schepen.”

Uitvoeringstermijn: 1 werkbare werkweken per fender.

Het bestek is vanaf **11 augustus 2023** verkrijgbaar bij de Aruba Ports Authority N.V. tegen betaling van **Afl. 150,-**.

De betaling te voldoen bij de kassier van de Aruba Ports Authority.

De openbare bescheiden liggen ter inzage vanaf **11 augustus 2023** bij de Aruba Ports Authority N.V.

Inlichtingen worden verstrekt op **15 augustus 2023** om 10.00 vm. bij de Aruba Ports Authority N.V.

De Nota van Inlichtingen wordt vastgesteld op **18 augustus 2023** en is vanaf die dag verkrijgbaar bij de Aruba Ports Authority N.V.

De openbare aanbesteding vindt plaats op **25 augustus 2023** om 11.00 vm. op het kantoor van de Directeur van de Aruba Ports Authority N.V.

De L.O.A. L.B. 1996 nr. 58 is op deze aanbesteding van toepassing.

De directievoering wordt uitgevoerd door de Aruba Ports Authority N.V./KD Consult


De gestanddoeningstermijn is 60 dagen.

De inschrijver moet bij zijn inschrijving de volgende vereisten overleggen:

1. Bewijs van inschrijving in het register van de Kamer van Koophandel;
2. Een lijst van in te schakelen onderaannemers;
3. Specificatie inschrijfsom;
4. Een werkschema
5. De overige in het bestek genoemde stukken.

E tin hopi empeño y precision pa su trabou

Cindy Lauwereys a bira empleado di luna di juli 2023 na HOH



Tur luna Horacio Oduber Hospital (HOH) ta elogia un colega cu di un forma of otro ta destaca y na juli 2023 por fin despues di hopi tempo a toca turno na departamento di Botica na unda asistente Cindy Lauwereys a wordo nomina y a sali empleado di luna. Asina cu Cindy a yega bek su departamento despues di un respondi di trabou den HOH mes, ela wordo sorpresa pa ful su team di colega compaña pa miembranan di Hunta di Directiva y tambe su famia. E no a sospecha nada pues un sorpresa hopi bunita cu a laga Cindy sin palabra.

Ora cu na aña 2013 Cindy a haci su stage den departamento di botica ya caba por a mira e amor cu e tin pa cu su trabou. Despues di su graduacion Cindy a haña oportunidad pa solicita y desde prome di januari 2016 e la wordo emplea door di HOH. Su team completo a nomina Cindy pa cinco motibo di

‘oro’ esta: e tin un curason noble, tin hopi pasenshi, ta comunica bon cu tur coleganan, ta dinamico y ta cla pa yuda tur hende cu pidie.

Cindy ta ehecuta su trabou cu hopi responsabilidad y riba un alto calidad. E ta representa su team di botica cu integridad y confiabilidad. Su ‘werkethiek’ y manera di traha ta sublime; semper na ora y ta termina su trabou prome cu bay cas. E tranquilidad y paz cu Cindy tin ta caracteristicanan excelente pa guia stagiaires y empleadonan nobo cu join e team di botica.

Ademas, Cindy semper t’ey cla pa scucha preocupacion di pashent y hunto cu su team ta traha duro pa yega na un solucion. Hopi persona lo por confundi y kere cu Cindy ta un persona timido, pero Cindy ta vocifera su opinion den un manera firme pero amigabel ora ta necesario.

Banda di su tareanan laboral Cindy tambe ta den e grupo cu ta prepara oncolytica, esta remedi pa tratamento di cancer, y policlinica unda su capacidad y habilidad ta un aporte grandi na mehora y inova e procesonan den tur dos grupo.

Su team tin hopi na dje y tin biaha nan ta yama Cindy e ‘human terabyte’. E tin un memoria increibel. E ta corda tur cos y sa unda tur cos importante ta fuera di tin un tremendo conocimiento tecnologico. Un colega sublime y semper cla pa yuda su team den esaki.

Hospital ta orguyoso di tin Cindy como parti di su team. Un bunita reconocimiento pa colega Cindy cu ta traha cu hopi dedicacion pa su trabou y asina ta contribui na eleva e calidad di nos cuido medico na Aruba. Masha pabien Cindy!

Prome Minister Evelyn Wever-Croes:

Den conexion cu e oportunidad di pasantia pa 9 alumno di EPI PROME MINISTER TA GRADICI MINISTER GLENBERT CROES, MINISTER ENDY CROES Y IBEROSTAR PA LOGRA YEGA NA UN COOPERACION MUTUO NA BIENESTAR DI NOS HOBENNAN




Diamars mainta, a tuma luga un conferencia di prensa, en conexion cu e pasantia cu 9 alumno di EPI a haya di e hotel renombra Iberostar na Mexico. Prome Minister Evelyn Wever-Croes a indica cu e oportunidad aki ta uno di gran balar pa nos studiantenan, mirando cu nan lo adkiri den e siguiente 8 simannan, hopi experiencia den e sector hotelero. Cu un conocimiento amplio di e trabou di hotel, e hobennan aki, unabes nan caba nan estudio, lo por aplica pa puestonan halto den cualquier hotel aki na Aruba y rond mundo.


Prome Minister ta gradici Minister di Labor Glenbert Croes y Minister di Enseñansa Endy Croes, pa semper a traha den bienestar di nos hobennan, buscando oportunidadnan pa yuda nan yega na un bon trabou den futuro. Cu e oportunidad aki, por confirma cu nan dedicacion y esfuerso a logra resultado positivo, pa loke ta educacion di nos hobennan y e oportunidad pa nan drenta e mercado laboral cu mas experiencia. Pa varios

luna e mandatarionan a traha riba e proyecto aki, asercando no solamente gerencia di Iberostar, sino e propio doño di e hotel sr Miguel Fluxa Rossello. Señor Fluxa Rossello na su turno a aserca EPI, logrando asina yega na un cooperacion mutuo pa cu e oportunidad di un pasantia na Iberostar Mexico, pa 9 alumno di EPI.

"Mi ta sumamente contento y entusiasmo pa wak con nos hobennan, aceptando e reto aki, ta lucha pa tin un miho futuro. E ta nos responsabilidad como gobernante di pais Aruba, pa inverti y busca oportunidadnan den enseñansa, creando asina futuro profesionalnan. Pa cu esaki mi ta hopi agradeci na Minister Glenbert Croes y Minister Endy Croes pa nan lucha incansabel pa loke ta educacion di nos hobennan pa asina nan por drenta e mercado laboral. Tambe, mi ta gradici EPI pa e bon trabou di educa nos muchanan, y e cadena hotelero Iberostar pa e confiansa deposita den nos hobennan, brindando nan e oportunidad pa un miho futuro" Prome Minister a expresa.



 <div>Paardenbaastraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 09 Aug 2023 Merdia</div>		
CATACHI	LOTTO 5	
Sorteo # 3997	Sorteo #	Joker Letter
0963	0 x Jackpot	Proximo Jackpot
1307	0 x Match 4+	355.000,-
5626	0 x Match 4	
MULTI-X	0 x Afl. 12,00	
FP		
BIG 4		
Sorteo # 3997	Sorteo # 6200	Proximo Jackpot
0622	0 x Jackpot	54.000,-
	3 x Match 4	
	88 x Afl. 8,00	
10FF		
Sorteo # 2053	MEGA	
6623	Sorteo #	Mega Ball:
	0 x Jackpot	Proximo Jackpot
	0 x match 4	330.000,-
	0 x Afl. 500,00	
ZODIAC	0 x Afl. 50,00	
Sorteo # 3997	0 x Afl. 15,00	
0415	MEGA PLUS	Afl. 430.000,-
Scorpio		
LUCKY 3	KORSOU	
Sorteo # 871	Sorteo #	
119		
MULTI-X		
X2		

 <div>Paardenbaastraat 10, Oranjestad, Aruba Tel.: (297) 525 - 7555 www.lottoaruba.com Resultado : Sorteo 08 Aug 2023 Anochi</div>		
CATACHI	LOTTO 5	
Sorteo # 8012	Sorteo #	Joker Letter
0721	0 x Jackpot	Proximo Jackpot
6675	0 x Match 4+	355.000,-
8952	0 x Match 4	
MULTI-X	0 x Afl. 12,00	
X2		
BIG 4		
Sorteo # 7056	Sorteo # 6202	Proximo Jackpot
6888	0 x Jackpot	54.000,-
	8 x Match 4	
	127 x Afl. 8,00	
10FF		
Sorteo # 1761	MEGA	06-09-13-28
3627	Sorteo # 1583	Mega Ball 06
	0 x Jackpot	Proximo Jackpot
	0 x match 4	330.000,-
	1 x Afl. 500,00	
ZODIAC	36 x Afl. 50,00	
Sorteo # 5815	48 x Afl. 15,00	
7293	MEGA PLUS	Afl. 430.000,-
Sagitario		
LUCKY 3	KORSOU	
Sorteo # 745	Sorteo #	
268		
MULTI-X		
X2		

Aruba Tourism Authority ta presenta e di cinco edicion di ‘Aruba I Do’ E ‘Vow Renewal Ceremony’ mas grandi den Caribe!

Cu hopi entusiasmo, Aruba Tourism Authority ta anuncia e di cinco edicion di ‘Aruba I Do’ - e ceremonia caminda parehanan casa lo bini hunto pa renoba nan compromiso di matrimonio y celebra nan amor. E ‘vow renewal ceremony’ aki ta esun di mas grandi den Caribe y lo tuma lug a dia 9 di augustus 2023 na Eagle Beach, e beach #1 den Caribe riba Trip Advisor, y e segundo den mundo!

Pa hopi pareha, e renobacion di nan compromisonan di matrimonio ta un celebracion di nan union y un tradicion. Den colaboracion cu The Harris Poll, A.T.A. a conduci un encuesta entre mas di 2 mil adulto riba 18 aña na Merca pa mira con Mericanonan realmente ta sinti tocante ‘vow renewals’. Resultadonan di e encuesta ta muestra cu 80% di Mericano ta sinti cu e renobacion di compromiso ta trece felicidad matrimonial pa parehanan, no obstante con grandi of chikito e ceremonia ta. Tambe a constata cu 87% di Mericanonan ta sinti cu e renobacion di compromiso ta un bon manera pa celebra un aniversario of un momento importante den nan matrimonio. Adem as, 83% a bisa cu e promesa y compromisonan por ser reno-

ba varios biaha durante un matrimonio y 86% a sinti cu ‘vow renewal’ ta un oportunidad pa parehanan crea recuerdonan nobo na un lug a special.

Pa A.T.A., e evento aki ta un oportunidad excelente pa atrae parehanan di diferente demografia for di tur parti di mundo, mustrand o Aruba como un destinacion ideal pa romance y experiencianan inolvidabel. E beachnan bunita combina cu e hospitalidad di nos isla ta haci Aruba e destinacion perfecto pa parehanan cu ta desea di renoba nan union. Mester menciona tambe cu e tipo di eventonan aki, cu ta distinto y unico, ta percura pa Aruba ricibi cobertura for di diferente medio di comunicacion internacional - asina yamando atencion na posibel bishitantenan cu ta en busca di un experiencia diferente.

E aña aki ta spera un minimo di 200 pareha cu lo participa den e ceremonia. Notable ta cu hopi di e parehanan cu lo participa e aña aki tin un promedio di 20 aña casa, haciendo e ceremonia mas special ainda. A.T.A. ta invita parehanan for di henter mundo y di Aruba tambe pa uni na e evento aki y experiencia e magia di Aruba.



Pago online facil y lihe
Abonnement of Aviso
Pa haci pago online pone number y adres na cuenta di Banco RBC Sunmax Printing
Account # **7700000100152447**



MISS AMBAR MUNDIAL 2023

a yega bek Aruba



E comicion completo di Cas Princesa Aruba compaña pa dos di nan reinanan tawata presente na airport pa ricibi Miss Ambar Mundial 2023 Jayleen Croes, diadomingo ultimo.

Bou aplauso fuerte y cu un corona di piedra precioso riba su cabes, Jayleen Croes tawata ricibi.

For di man di Princes Beauty 2023 y Runner-up Little Beauty Aruba Elise Heronimo, Jayleen Croes, Thaheeli Geerman, Maya Gordon y Jacy Croes a ricibi cada un, un buket di flor como muestra di cariño pa nan bunita presentacion na Republica Dominicana.

Jayleen Croes, a konkista, e weekend cu a pasa, e corona maximo di Miss Ambar Mundial 2023 na Punta Cana, Republica Dominicana entre paisnan



grandi di Hispano-America, manera Republica Dominicana, Haiti, Mexico, Chile y Puerto Rico.

E luna aki, Cas Princesa

tin habri inscripcion pa e certamen nacional di 2023 cu ta tuma luga na november. Por bishita e pagina di Cas Princesa Aruba riba Facebook of Instagram.

Cuerpo Policial Aruba ta manehador di e cartera pa cu “ondermijning” den region Caribense



Cuerpo Policial Aruba ta manehador di e cartera pa cu “ondermijning” den region Caribense. Esaki a keda acorda algun siman pasa den College van

Korpschefs, Ministerio di Husticia y Seguridad di Hulanda, y e diferente paisnan Caribense den region, como tambe Nederlandse Nationale Politie.

E College van Korpschefs ta un colaboracion entre altocomisario di Aruba, Corsow, Sint Maarten y e BES (Boneiro, Sint Eustatius y Saba). E College van


Korpschef aki ta traha intensivamente hunto riba diferente temanan di seguridad y desaroyonan den organisacionnan.

Altocomisario di polis di Aruba drs. Ramon Arnhem, ta bisa cu “ondermijning” ta un concepto mane un recipiente, pero e ta basa riba criminalidad pisa y cu efectonan negativo riba e comunidad. Por ehempel, e hobennan vulnerabel cu den lugar di traha un trabou normal ta skohe pa traha den e baho mundo di droga pa asina gana suma grandi di placa ilegal. Pero e consecuencia di “ondermijning” tambe ta mire den maltrato seve-

ro y corrupcion den diferente departamentonan di gobierno.

Pa combatimento di e criminalidad pisa, ta solamente posibel den un bon colaboracion cu otro partnersnan paden y pafu di e cadena di seguridad (Veiligheidsketen). Pero comunidad tambe ta hunga un papel importante.

“Criminalnan ta bira mas sabi y ta traha bon hunto, pasando frontera di e pais. Nos mester ta un paso mas dilanti. Esaki ta dor di traha bon cu diferente partner local y internacional”, ta palabra di altocomisario Arnhem.



VALIDO TE DIAHUEBS 10 DI AUGUSTUS 2023, 18:00 ORA

TEMPO:

AWE TARDI Y AWE NOCHI: PARCIALMENTE NUBLA CU UN AWACERO BREVE
DEN MARDUGA Y MAYAN: VARIABLEMENTE NUBLA CU ALGUN AWACERO BREVE

TEMPERATURA MAXIMO 34 GRADO CELSIUS
TEMPERATURA MINIMO 28 GRADO CELSIUS
INDICE DI CALOR (HEAT INDEX) DEN Y ROND DI ORANAN DI MERDIA: 35 PA 40 GRADO CELSIUS
UV INDEX: 12

POTENCIAL DI AWACERO PA PROXIMO 24 ORA: 3 TE 7 MM; LOCALMENTE ESAKI POR TA DIFERENTE.


REGISTRACION DI TEMPERATURA (GRADO CELSIUS) Y
AWACERO (MM) DEN ULTIMO 24 ORA (8'AM PA 8'AM):

AIRPORT : MAX 34 / MIN 28 / 0.0 MM
WESTPUNT: MAX 34 / MIN 28 / 0.0 MM
STA ROSA: MAX 34 / MIN 28 / 0.0 MM

PRONOSTICO DI TEMPO PA PROXIMO 3 DIANAN: PARCIALMENTE NUBLA CU UN AWACERO BREVE. BIENTO LO TA FOR DI DIRECCION OOST Y MODERATE BASTA FUERTE, FUERTE TE POSIBLEMENTE

DURO DEN RAFAGA; TEMPERATURA (GRADO CELSIUS)
MAX / MIN LO TA: 34 / 28

Clasificados



SOLODIPUEBLO@GMAIL.COM

CEL. 585 9500



DAVID WONG TA CLA PA START NA COLEGIO EPI



Durante un entrevista cu nos a sostene cu e hoben estudiante David Wong (16) el a conta nos cu e ta contento di tin e oportunidad di start na Colegio EPI unidat Hospitality & Tour-

ism despues di vakantie. David su cuminda preferi ta Bandeja Paisa y su vakantie el a bishita Colombia cu su mama Marilyn Wong y hunto nan a bishita e ciudadnan Me-

dellin y Cali. E gusta Colombia pa e bon prijs- y paisahenan unico.

Su musica preferi ta soca y su banda local ta N-Fuzion. Su team di futbol internacional ta Liverpool. Su luga preferi na Aruba ta Eagle Beach y e gusta core electric scooters.

David tin un tattoo chikito na su curpa y e mensahe ta:

There is hope; Should Oceans rise or mountain falls he never fails.

David ta semper gradici na su mama p'e esfuerzo y cariño guiando e den bon caminda.

MAVO

David recién a caba su MAVO na Maria College cu M&M profiel. Na e scol aki el a pasa su 4 añanan sin problema y lo tin semper bon recuerdo di su compañero- y maestronan cu a gui'e. Especialmente e ta gradici su maestronan Carl Michael Richardson, Celia Ludeña y Alexander Paesch p'e cariño pa nan trabao y pa nan muchan-

Karate

E aña escolar cu a pasa, David tawata activo riba e tereno di Karate. El a logra den juli 2023 su faha berde na e scol Jin Sei Kan. E ta gradici senseinan Juan David- y Gustavo Velasquez.

Barbero

Tambe el a tuma un curso di 5 siman cerca su amigo Donovan Henriquez cu a duna un grupo di hoben e curso di pela cabey.

El a cera e curso cu exito y a ricibi su certificado.

Futuro

David su deseo ta di bira un polis pa asina e por sirbi su comunidad yenando e pais cu seguridad. Tambe e tin otro deseo cu ta di bira un actor famoso.



**BO SANGER
TA SALBA
BIDA!**



☎ 587 0002

f StichtingBloedbankAruba

www.bloedbankaruba.aw

DAVID WONG TA CLA PA START NA COLEGIO EPI



Durante un entrevista cu nos a sostene cu e hoben estudiante David Wong (16) el a conta nos cu e ta contento di tin e oportunidad di start na Colegio EPI unidat Hospitality & Tour-

ism despues di vakantie. David su cuminda preferi ta Bandeja Paisa y su vakantie el a bishita Colombia cu su mama Marilyn Wong y hunto nan a bishita e ciudadnan Me-

dellin y Cali. E gusta Colombia pa e bon prijs- y paisahenan unico.

Su musica preferi ta soca y su banda local ta N-Fuzion. Su team di futbol internacional ta Liverpool. Su luga preferi na Aruba ta Eagle Beach y e gusta core electric scooters.

David tin un tattoo chikito na su curpa y e mensahe ta:

There is hope; Should Oceans rise or mountain falls he never fails.

David ta semper gradici na su mama p'e esfuerzo y cariño guiando e den bon caminda.

MAVO

David recién a caba su MAVO na Maria College cu M&M profiel. Na e scol aki el a pasa su 4 añanan sin problema y lo tin semper bon recuerdo di su compañero- y maestronan cu a gui'e. Especialmente e ta gradici su maestronan Carl Michael Richardson, Celia Ludeña y Alexander Paesch p'e cariño pa nan trabao y pa nan muchan-

Karate

E aña escolar cu a pasa, David tawata activo riba e tereno di Karate. El a logra den juli 2023 su faha berde na e scol Jin Sei Kan. E ta gradici senseinan Juan David- y Gustavo Velasquez.

Barbero

Tambe el a tuma un curso di 5 siman cerca su amigo Donovan Henriquez cu a duna un grupo di hoben e curso di pela cabey.

El a cera e curso cu exito y a ricibi su certificado.

Futuro

David su deseo ta di bira un polis pa asina e por sirbi su comunidad yenando e pais cu seguridad. Tambe e tin otro deseo cu ta di bira un actor famoso.



**BO SANGER
TA SALBA
BIDA!**



☎ 587 0002

f StichtingBloedbankAruba

www.bloedbankaruba.aw

Piedra Plat cu su propio grupo adulto activo



Diamars 8 augustus ultimo C.B. Piedra Plat a organisa un anochi di informacion pa nos grandinan 60+.

E team cu a bin ta prepa-

rando esaki tabata bin trahando for di algun siman atras y e team ta consisti di Vera Angela como presidente, Aureen Werleman como secretario, Ivi Kelk-

boom como tesorero y como comisario ta Henky Croes, Ludwina Werleman, Maggy Everon y Rolly Werleman. Oficialmente e grupo di 60+ lo cuminsa reuni funciona tur diamars di 7or pa 9or di anochi y tur reunion lo tuma lugar na C.B. Piedra Plat/C.D. Franklyn Bareño veld di Britannia. E grupo tin hopi planan pa nos grandinan y pronto lo saca un calendario pa cu esaki.

Pa bira miembro of pregunta por tuma contacto cu presidente Sra Vera Angela celular 6604489 y tamb pronto e grupo adulto activo lo tin su propio facebook.



Clasificados

Icons representing various services: car, house, shopping cart, bus, tools, and people.

CLASSIFIEDS

SOLODIPUEBLO@GMAIL.COM
CEL. 585 9500

SOLO Di Pueblo

*"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hiba mi na awa trankil, pa mi bolbe haña forsa".*
Salmo 23

Cu inmenso tristesa
Directie Wetgeving en Juridische Zaken
ta anuncia fayecimento di nos colega stima


sr. mr. Raymond Kock
Wetgevingsjurist DWJZ

Ta invita pa e acto di condolencia diabierna 11 di augustus di 7or pa 9or na Aurora Funeral Home. Acto di entierro lo tuma lugar diasabra 12 di augustus di 2or pa 4or di atardi na Aurora Funeral Home y lo sali despues pa santana catholico Pastoor Kranwinkel na Paradera.

Cu Raymond sosega na paz.

Taekwondo Team Aruba su team di TK5 ta den preparacion



Obituario

Publica serka nos anuncio di fayecimento di bo ser keri.
Nos tin 2 pakete pa ofrese;

Pakete 1: Anuncio di fayecimento te dia cu e defunto
ser dera
Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto
ser dera
Gradicimento y invitashon pa misa pa 3 dia

Na Canal 22 1x prome cu Noticiaro 22 Afl 400,00

**Pa mas informashon por tuma contacto cu oficina na
585-9500 of na 741-4554 puntra pa
Jamila Henriquez**

Clifford Rasmijn y Yoshmar Wever ta den full swing cu preparacion di e team di TK5 di Aruba. Clifford Rasmijn y Yoshmar Wever ta certifica como coach Internacional y ta siña e team tur e reglamentonan di bringa, kiko mag y no mag pa nan no haña straf punt. Esaki lo bay yudan an hopi den nan pelea. Clifford Rasmijn y Yoshmar Wever ta wak hopi video y ta muestra e atletanan algun video di pelean an di Tag Team y ta siña

e team mas tocante Tag Team.

Tag Team ta nobo pa e atletanan. 5 atleta ta bringa contra di 5 otro atleta. Clifford Rasmijn y Yoshmar Wever kier pa e team ta bon informa di tur e reglamentonan y kier gana tur dos evento cu tin pa e aña aki.

Clifford Rasmijn y Yoshmar Wever kier garantisa cu Aruba su team di TK5 ta bay ta bon prepara pa representa Aruba dignamente.